



Qeveria e Republikës së Maqedonisë së Veriut
- KRYEMINISTRI -

I nderuar ministër Milevski,

Në zgjedhjet parlamentare që janë mbajtur më 15 korrik të vitit 2020, qytetarët e Republikës së Maqedonisë së Veriut zgjedhën që të vazhdojmë ta dërgojmë shtetin përpara. Vota e qytetarëve për koalicionin që ka formuar Qeverinë e re me mandat prej vitit 2020 deri në vitin 2024 është investimi i tyre vetanak në kërkim të jetës më të mirë për vete, për familjet dhe bashkësinë e tyre. Vota e secilit qytetar është votë për mbrojtje nga KOVID-19 dhe për menaxhim të suksesshëm me krizën ekonomike-shëndetësore, votë për ekonominë e re vendore, për vende të reja të punës të paguara mirë, për shtet të së drejtës, për mjedis jetësor të pastër dhe të shëndetshëm, për infrastrukturë funksionale, për lidhje efektive brenda vendit dhe me botën, për kulturë të fuqishme nacionale sipas modelit evropian dhe arsim që i përgatit gjeneratat e reja për të tashmen dhe një të ardhme më të mirë.

Në kuptimin burimor të fjalës “ministër” gjendet shërbimi, kujdesi dhe ndihma për qytetarët. Ju, si ministër, duhet ta kuptoni votën e qytetarit si drejtim i precizuar që vjen nga niveli më i lartë nga i cili nuk ka asnjë devijim. Duhet t’u shërbeni të gjithë qytetarëve, pa dallim të përkatësisë së tyre etnike, partiake, orientimit të tyre seksual, identitetit gjinor, racor, ngjyrës së lëkurës, prejardhjes, përkatësisë në grupe të marginalizuara, gjuhës, statusit social, shkollimit, religjionit, bindjet politike, bindjet tjera, aftësive të kufizuara, moshës, statusit familjar apo martesor, statusit pronësor, gjendjes shëndetësore, statusit personal dhe statusit shoqëror. Pres që për kryerjen e detyrave tuaja dhe në realizimin e Programit për punë të Qeverisë për vitet 2020-2024, do të angazhoheni pa hezitim dhe me profesionalizëm. Kemi detyrim të shenjtë dhe thelbësor që agjendën për të cilën obligohemi para qytetarëve ta realizojmë duke investuar përpjekjet tona maksimale, përmes realizimit efektiv për arritje të rezultateve më të mira të mundshme. Kjo mënyrë nuk njeh kompromise, justifikime dhe përfshin ekspozim të vazhdueshëm para opinionit publik ku do t’i vëmë në dispozicion të gjithë mekanizmat për të ndjekur punën tonë.

Ju jeni pjesë e Qeverisë e cila hapur e prezanton punën e saj dhe është e hapur për secilin qytetar të Republikës së Maqedonisë së Veriut. Unë, si Kryetar i Qeverisë do ta avancoj strukturën e kabinetit tim me qëllim që të jem Kryeministër më i hapur dhe të siguroj komunikim të dyanshëm me të gjithë qytetarët dhe bashkësitë të cilëve ju duhet ndihmë nga unë dhe shërbimet e mia, por edhe të kem mundësi që t’i pranoj dhe t’i kuptoj të gjitha idetë dhe iniciativat që vijnë nga opinionit publik.

Ju obligoj edhe juve për komunikim të rregullt dhe të hapur me të gjithë qytetarët dhe palët e interesit në shoqëri duke avancuar kanalet për përgjegjshmëri, gjithëpërfshirje dhe pjesëmarrje.

Puna e juaj çdo ditë do të ndiqet dhe matet. Nëse jeni të përkushtuar, të ndershëm dhe të përgjegjshëm do të keni rezultate të shkëlqyeshme dhe do të vazhdoni të punoni edhe më mirë për më shumë rezultate. Në të kundërtën, do të zëvendësoheni me kuadër tjetër i cili është i gatshëm të jep angazhim më të mirë dhe më të sinqertë se sa Ju. Vetëm kështu është e drejtë dhe e ndershme para



Qeveria e Republikës së Maqedonisë së Veriut
- KRYEMINISTRI -

fjalës që ua kemi dhënë qytetarëve. Për atë, konkluzionet e para nga puna juaj do t'i sjell pas përfundimit të 100 ditëve të para të mandatit, gjegjësisht në përfundim të vitit 2020, pas të cilit janë të mundshme ndryshime të kuadrove. Analizën metodologjike të realizimit të detyrave dhe punës suaj të përgjithshme do ta bëjmë çdo fundvit.

Në mandatin e ri, Qeveria e Republikës së Maqedonisë së Veriut do të vazhdojë procesin e decentralizimit. Në atë mënyrë ne do të demokratizojmë shoqërinë shtesë dhe do të mundësojmë ofrim më efikas dhe ekonomik të shërbimeve, por edhe zhvillim të avancuar lokal. Qeveria që punon për qytetarët është afër qytetarëve, dhe kjo është arsyeja pse unë pres nga ju gjatë mandatit ti zbatoni me sukses qëllimet e Qeverisë në drejtim të promovimit dhe zhvillimit të vetëqeverisjes lokale.

Më konkretisht, nga Ju pres:

- Në bashkëpunim me Qeverinë, ti zbatoni politikat për zhvillimin e komunave, që synojnë decentralizimin fiskal dhe zhvillimin e ekuilibruar rajonal;
- Të hapet një dialog mbi mundësitë për rritjen e pjesës së TVSH-së dhe tatimit mbi të ardhurat personale që ndahen për vetëqeverisjen lokale, me dinamikë të vendosur disa vjeçare me mekanizma për inkurajimin e efikasitetit të tyre në rritjen e mbledhjes dhe detyrave publike komunale, si dhe për rishikimi i Metodologjisë për shpërndarjen e fondeve tatimore dhe granteve nga komunat;
- Të propozoni instrumente të rinj, më efikase për të mbështetur komunat, në mënyrë që ato të përmirësojnë performancën e tyre;
- Të merrni pjesë në përgatitjen e (1) Grantit të Barazisë dhe (2) Grantit të Performancës, i cili do të vendoset një sistem të stimulimit dhe konkurrencës së komunave për ofrimin e shërbimeve cilësore dhe në kohë;
- Në bashkëpunim me Qeverinë, të zbatoni Strategjinë për zhvillim të ekuilibruar rajonal;
- Të hapni dialog me palët e interesit nga njëra anë dhe Qeverinë, nga ana tjetër, për të rishikuar Metodologjinë për shpërndarjen e fondeve të taksave dhe dotacioneve nga komunat;
 - o Të mbështesni dhe inkurajoni njësitë e vetëqeverisjes lokale që do të përdorin fonde nga buxheti i shtetit për të pranuar dhe zbatuar rregullat e përcaktuara qartë për transparencën në punën e tyre dhe për të vënë në dispozicion të publikut të gjitha shpenzimet financiare;
 - o Në bashkëpunim me Këshillin e Inspektimit dhe Qeverinë për të përgatitur një model për shërbime inspektimi më të mira dhe më të forta të njësive të vetëqeverisjes lokale, me qëllim menaxhimin e duhur



Qeveria e Republikës së Maqedonisë së Veriut
- KRYEMINISTRI -

të sfidave në fushën e punëve komunale, ndërtimit, mbrojtjes së mjedisit dhe shëndetit të qytetarëve dhe rregullimit të trafikut;

- Të propozoni një rritje të kompetencave të tyre dhe u mundësoni atyre të organizohen në veprime të përbashkëta në nivel rajonal dhe shtetëror.
 - o Të nxisni afrimin e punës së njësive të vetëqeverisjes lokale me qytetarët;
 - o Të përgatitni dhe t'i propozoni Qeverisë zgjidhje ligjore me të cilat qytetarët dhe shoqatat do të kenë mundësinë të propozojnë pika në rendin e ditës dhe të marrin pjesë në punën e këshillave të njësive të vetëqeverisjes lokale;
- T'u mundësohet qytetarëve, shoqatave dhe bashkësive lokale që të marrin pjesë në miratimin e programeve zhvillimore dhe buxhetit komunal;
- Në bashkëpunim me Qeverinë, mbështesin procesin e reformës së shërbimeve me grante dhe kredi të lira për të modernizuar makineritë dhe pajisjet e ndërmarrjeve publike lokale; Të marrin pjesë aktive në përgatitjen e politikës për grupimin e të gjitha investimeve kapitale për njësitë e vetëqeverisjes lokale në një vend;
- Në bashkëpunim me Qeverinë të siguroni burime të përshtatshme organizative dhe financiare për të ndihmuar komunat që nuk kanë kapacitet të mjaftueshëm për t'u ballafaquar papritmas me zbatimin e projekteve të mëdha, veçanërisht ato që mbështeten financiarisht nga fondet dhe programet e Bashkimit Evropian.

Njëkohësisht si ministër i vetëqeverisjes lokale në Qeverinë e Republikës së Maqedonisë së Veriut, nga Ju pres:

- Të jeni gardiani i parë i Kushtetutës dhe ligjeve dhe të siguroni që Ministria e Vetëqeverisjes Lokale të përmbush të gjitha detyrimet ligjore, që të gjithë bartësit e funksioneve publike dhe zyrtarët që punojnë nën juridiksionin tuaj të jenë njësoj të përgjegjshëm ndaj ligjit dhe Kushtetutës dhe se Kushtetuta dhe ligjet do të zbatohen njëjtë për të gjithë;
- Të jeni shembull i qeverisjes së mirë dhe të siguroni që zyrtarët publik dhe zyrtarët që punojnë nën juridiksionin tuaj t'u përmbahen standardeve më të larta të qeverisjes së përgjegjshme dhe etike;
- Të siguroni që Ministria e Vetëqeverisjes Lokale të përgjigjet në kohë, në mënyrë të drejtë, efikase dhe efektive të zgjidh çështjet dhe procedurat e qytetarëve dhe personave juridik, duke justifikuar dhe fituar besimin e qytetarëve dhe të opinionit publik;



Qeveria e Republikës së Maqedonisë së Veriut
- KRYEMINISTRI -

- Të vazhdoni zbatimin dhe përmirësimin e politikave të transparencës dhe llogaridhënies;
- Të jeni të hapur dhe gjithëpërfshirës ndaj qytetarëve, publikut profesional, shoqërisë civile dhe opozitës në krijimin dhe zbatimin e politikave publike në mënyrë që të siguroni politika cilësore të bazuara në prova dhe konsensus të shoqërisë;
- Të siguroni që burimet shtetërore të mos përdoren për qëllime partiake dhe zgjedhore dhe që zyrtarët administrativ dhe punonjësit e sektorit publik të mos jenë subjekt i ndikimit partiak;
- Të promovoni barazinë gjinore dhe përfaqësimin e drejtë dhe të keni parasysh karakterin multietnik të vendit.

Bashkëpunoni me të gjithë punonjësit dhe përdorni të gjitha potencialet e administratës publike. Në të gjitha veprimet tuaja, të jeni shembull për ata me të cilët punoni dhe për qytetarët për të cilët punoni. Respektoni Kodin etik për anëtarët e Qeverisë dhe mbajtësit e funksioneve publike të emëruar nga Qeveria dhe promovoni vlerat etike. Në fund të mandatit tonë në vitin 2024, si rezultat i ndryshimeve pozitive që ne do të bëjmë, Maqedonia e Veriut të jetë vend ku qytetarët duan të jetojnë dhe të kontribuojnë në përmirësimin e saj të vazhdueshëm. Qytetarët e presin këtë nga ne.

Ju uroj fat, shëndet dhe mandat të suksesshëm.

Sinqerisht i juaji,
Zoran ZAEV

Ministër për vetqeverisje lokale i Republikës së Maqedonisë së Veriut
Goran MILEVSKI

Letër mandati për ministrin e vetqeverisjes lokale
3 shtator 2020



Qeveria e Republikës së Maqedonisë së Veriut
- KRYEMINISTRI -